



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ  
ՀՐԱՄԱՆ**

**N 598-Ա/2**

**23.04.2021թ.**

**ՀՈՒՇԱՐՁԱՆՆԵՐԻ ԵՎ ՏԵՍԱՐԺԱՆ ՎԱՅՐԵՐԻ ՄԻՋԱԶԳԱՅԻՆ ՕՐՎԱՆ ՆՎԻՐՎԱԾ  
ՀԱՆԴԻՊՈՒՄ-ՔՆՆԱՐԿՄԱՆ ԵՎ ՀԱՄԵՐԳԻ ԿԱԶՄԱԿԵՐՊՄԱՆ ԾՐԱԳԻՐԸ  
ՀԱՍՏԱՏԵԼՈՒ ԵՎ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2020 թվականի պետական բյուջեի մասին» Հայաստանի Հանրապետության օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշմամբ հաստատված Հայաստանի Հանրապետության կրթության, գիտության, մշակույթի և սպորտի նախարարության կանոնադրության 19-րդ կետի 20-րդ ենթակետով՝ հուշարձանների և տեսարժան վայրերի միջազգային օրվան նվիրված հանդիպում-քննարկման և համերգի կազմակերպման նպատակով

**Հ Ր Ա Մ Ա Յ ՈՒ Մ Ե Մ**

1. Հաստատել հուշարձանների և տեսարժան վայրերի միջազգային օրվան նվիրված հանդիպում-քննարկման և համերգի կազմակերպման ծրագիրը՝ համաձայն հավելվածի:

2. «Հայաստանի Հանրապետության 2021 թվականի պետական բյուջեի մասին» Հայաստանի Հանրապետության օրենքի N 1 հավելվածի N 2 աղյուսակի «1168. Արվեստների ծրագրի» «11005. Մշակութային միջոցառումների իրականացում» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից (տող՝ «Աջակցություն այլ մշակութային միջոցառումների և ծրագրերի իրականացմանը») հատկացնել 15891.8 հազար (տասնհինգ միլիոն ութ հարյուր իննսունմեկ հազար ութ հարյուր դրամ) դրամ՝ 2021 թվականի ապրիլի 27-ին հուշարձանների և տեսարժան վայրերի միջազգային օրվան նվիրված հանդիպում-քննարկման և համերգի կազմակերպման ծախսերն ապահովելու համար:

3. Նախարարության ֆինանսաբյուջետային վարչության պետին՝

1) սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության գլխավոր քարտուղարի ստորագրմանը ներկայացնել սույն հրամանի 2-րդ կետում նշված գումարը «Հայաստանի պետական ֆիլիարմոնիա» պետական ոչ առևտրային կազմակերպությանը հատկացնելու մասին պայմանագիր (այսուհետ՝ պայմանագիր):

2) Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել ֆինանսական հաշվետվությունների ընդունման և պայմանագրով նախատեսված աշխատանքների հանձնման-ընդունման արձանագրությունների կազմման և ստորագրման գործառույթներ:

4. Նախարարության մշակութային ժառանգության և ժողովրդական արհեստների վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Խզմալյանին:

ՎԱՀՐԱՄ ԴՈՒՄԱՆՅԱՆ

X

---

**Հավելված**

ՀՀ կրթության, գիտության,  
մշակույթի և սպորտի նախարարի

----- 2021 թ.

N հրամանի

**ԾՐԱԳԻՐ**

**Հուշարձանների և տեսարժան վայրերի միջազգային օրվան նվիրված  
հանդիպում-քննարկման և համերգի կազմակերպման**

1	Կազմակերպության անվանում	«Հայաստանի պետական ֆիլիարմոնիա» ՊՈԱԿ
2	Ծրագրի բովանդակությունը	Հուշարձանների և տեսարժան վայրերի միջազգային խորհրդի /ԻԿՕՄՕՍ/ առաջարկությամբ ՅՈՒՆԵՍԿՕ-ն 1983 թվականից ապրիլի 18-ը նշում է որպես հուշարձանների և տեսարժան վայրերի միջազգային օր, որը նպատակ ունի բարձրացնել հասարակության տեղեկացվածությունը համաշխարհային ժառանգության բազմազանության, դրա պահպանությանն ու պաշտպանությանն ուղղված ջանքերի վերաբերյալ: Հաշվի առնելով, այն հանգամանքը, որ 2020 թվականի Արցախի դեմ ռազմական ագրեսիայի հետևանքով Ադրբեջանի վերահսկողության տակ է մնացել մեր մշակութային ժառանգության մի մասը, որը հետևողականորեն ոչնչացվում է, ՀՀ կրթության, գիտության, մշակույթի և սպորտի նախարարությունը օրվա շրջանակներում նախաձեռնել է միջոցառումների շարք՝ միտված առկա խնդիրները վերհանմանը և քննարկմանը, հանրային իրազեկվածության բարձրացմանը:
3	Ծրագրի իրականացման վայրը	Հայաստան, Երևան
4	Ծրագրի մասնակիցներ	Ծրագիրը նախատեսված է ոլորտի մասնագիտական և հասարակության լայն շրջանակների համար:
5	Նպատակ	<ul style="list-style-type: none"> <li>✓ Պատմամշակութային ժառանգության պահպանություն</li> <li>✓ Հանրային իրազեկվածության բարձրացում</li> <li>✓ Պատմամշակութային ժառանգության հանրահռչակում</li> <li>✓ Ոլորտում առկա խնդիրների վերհանում և</li> </ul>

		լուծումների առաջադրում
6	Անցկացման ժամկետ	27.04.2021
7	Ակնկալվող արդյունքներ	Պատմամշակութային ժառանգության հանրահռչակում և հանրային ինքնագիտակցության բարձրացում Հուշարձանների և տեսարժան վայրերի միջազգային օրվա նշանավորում
8	Ոչ ֆինանսական ցուցանիշներ	Համերգային ծրագիր՝ 1,5 ժամ տևողությամբ, մեկ հանդիպում-քննարկում, մեկ բրենդային փաթեթ, 8 տեսահոլովակ, նոթատետրի, բեյջերի, գրիչների, պայուսակների, կրծքանշանի տպագրություն՝ 150 մարդու համար